

7-31 05 18
18-07 18

17-2-4104

Ո Ր Ո Շ ՈՒ Մ


Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

16.07.2018թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Արման Աֆրիկյանի դիմումի շուրջ ստեղծված նյութերը,

Պ Ա Ր Զ Ե Ց Ի



2018թ. հունիսի 15-ին Երևան քաղաքի Ն.Շենգավիթ Ս.Տարոնցի փող. 112-12բն. բնակիչ Արման Աֆրիկյանը դիմումով հայտնել է, որ իր նկատմամբ կայացվել է վարչական տույժ նշանակելու մասին ԱԴ թիվ 590686 որոշումը՝ անվտանգության գոտին չամրակապած վիճակում ավտոմոբիլ վարելու համար: Քաղ.Ա.Աֆրիկյանը հայտնել է նաև, որ համաձայն չէ իր նկատմամբ կայացված որոշման հետ, քանի որ ավտոմոբիլը վարել է անվտանգության գոտին ամրակապած վիճակում: Դիմումատուն խնդրել է անվավեր ճանաչել որոշումը:

Դիմումի ուսումնասիրությամբ պարզվել է, որ 31.05.2018թ. ժամը 15:00-ի սահմաններում Երևան քաղաքի Ս.Մեծ-Քրիստափոր փողոցների խաչմերուկի հատվածում քաղ.Ա.Աֆրիկյանի կողմից վարած «Վոլկսվագեն» մակնիշի 35 DZ 376 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ 1-ին սպայական գումարտակի 7-րդ սպայական դասակի ավագ տեսուչ ոստիկանության մայոր Դ.Երզնկյանի և նույն դասակի տեսուչ ոստիկանության ավագ լեյտենանտ Ա.Մարդոյանի կողմից՝ ՃԵԱԱՄՕ-ի խախտման համար, այն է՝ վարորդն ավտոմոբիլը վարել է անվտանգության գոտին չամրակապած վիճակում: Վարորդի նկատմամբ կազմվել է վարչական իրավախախտման վերաբերյալ արձանագրություն և, համաձայն ՀՀ ՎԻՎ օրենսգրքի 123.3 հոդվածի, կայացվել է ԱԴ թիվ 590686 որոշումը՝ վերջինիս 5000 դրամ տուգանելու մասին:

Դիմումում նշված հանգամանքների շուրջ պարզաբանումներ տալու նպատակով՝ քաղ.Ա.Աֆրիկյանը ծանուցագրի միջոցով 04.07.2018թ. հրավիրվել է Ճանապարհային ոստիկանության ՃՊԾ բաժին, սակայն չի ներկայացել:

Ըստ տեսուչների գրավոր բացատրությունների՝ Ս.Մեծ-Քրիստափոր փողոցների խաչմերուկի հատվածում նկատել են, որ «Վոլկսվագեն» մակնիշի 35 DZ 376 հաշվառման համարանիշի ավտոմոբիլի վարորդը երթևեկում է անվտանգության գոտին չամրակապած վիճակում: Սահմանված կարգով կանգնեցնելուց հետո տեսուչ Ա.Մարդոյանը մոտեցել է վարորդին, ներկայացել, հայտնել է կանգնեցման պատճառը և պահանջել փաստաթղթերը: Հաշվի առնելով, որ իրավախախտումն եղել է ակնհայտ, պարզ տեսանելի և ծառայողների

տեսադաշտում՝ քաղ.Ա.Աֆրիկյանի նկատմամբ կազմվել է վարչական իրավախախտման վերաբերյալ արձանագրություն, որից հետո վերջինս նշել է իր անհամաձայնությունն արձանագրության մեջ, ինչից հետո ստորագրել և ստացել է որոշման իր օրինակը:

Համաձայն «Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Ա.Աֆրիկյանի արարքում առկա է Վարչական իրավախախտումների վերաբերյալ ՀՀ օրենսգրքի 123.3-րդ հոդվածով նախատեսված իրավախախտման զանցակազմը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Արման Աֆրիկյանի դիմումը թողնել առանց բավարարման, իսկ Ճանապարհային ոստիկանության ՃՊԾ 1-ին սպայական գումարտակի 7-րդ սպայական դասակի տեսուչ ոստիկանության ավագ լեյտենանտ Ա.Մարդոյանի կազմած վարչական իրավախախտման արձանագրության հիման վրա 31.05.2018թ. կայացված ԱԴ թիվ 590686 որոշումը՝ Արման Աֆրիկյանին հինգ հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել Ճանապարհային ոստիկանության վարչական գործունեության բաժանմունք և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե.Կարապետյան